

**SWARA-TAMA**  
SERAT KABAR KATHOLIEK  
Medal saben dinten Djoemoewah.

REGINIPOEN LENGGANAN  
SWARA TAMA  
sampoen kalijan regining Soeara Katholiek

1 taoen . . . .	f 7,50	} njoewoen kabajan roemijn.
1/2 " . . . .	f 3,75	

---

Adresipoen **Redactie** lan **Administratie**

XAVERIUS-COLLEGE  
MOENTILAN N. I. S.

2) Dados njata: piwoelang sasaged-saged  
kedah dipoenwoedjoedi. Red.

4) consequentie = gevolgtrekking! i.p. toeroeting kedadosan.  
5) Roekoen agawé santosa.



## KABAR ADMINISTRATIE.

Lengganan, ingkang 15 Mei dèrèng maringi kirangan arta lengganan, sampoen boten katjaosan Swara Tama lan Soeara Katholiek malih. Lengganan enggal kasawoewen bajaran roemijin; manawi sawoelan sadadosipoen lengganan meksa dèrèng maringi, Swara Tama lan Soeara Katholiek sampoen boten sowan malih. ADMINISTRATIE SW. TM.

Portes Gil, nanging Calles ngandika: „Ikoe, déné lijané oral!” Satemah inggih ladjeng namoeng noeroet. Hem, poenapa tjara republik? Tjara democratie??? President enggal poenika nalika pepanggihan kalijan wewakilipoen serat-serat kabar njarjosaken, jèn badé neroesaken lan manoet pitedahipoen Calles, sarta badé nindakaken sadaja programanipoen soewargi Djéndral Obregon. Sampoen semanten kémawon roemijin. (O, mèh kesoepe! Boekoe „Mexico” karanganipoen sadèrèk A. S. D. sakedik-sakedik kénging kanggé oelar-oelar njawang pangoeja-oeja dateng tjang Katholiek ing ngrikoe! Mangga moendoet, dateng Drukk. Canisius, reginipoen boten awis). Gantos bedriif, njandak Moscou! Lah poenika panggénan toek, dados agami Katholiek sanget dipoenkoeja-koeja ngoengkoeli ing Mexico. Nanging jèn dipoentalitèkaken Mexico poenika oegi saking Moscou Orthodoxkerk mestani jèn agami Katholiek ngodjok-odjoki Schismatiek soepados poempes Orthodox. Mila Orthodox ladjeng moering djadjabang mawinga-winga ngabrak-abrak tjang Katholiek agami Katholiek nedya dipoensirnakaken. —

Teroes kasambet tanah Tjina. Lha poenika prijantoe! ramé, terangipoen roewed! Ketingalipoen perang sami bangsa, golongan Nationalist kalijan Kolot, nanging saktjanipoen oegi sanget anggènipoen ngrerisak, ngoeja-oeja tjang Kath. Angger katjeng inggih sampoen tanpa oeroesan tanpa ampoenan. Mila wah resah èstoe, boten kantenan prenatalipoen. — Kèndel namatakan filmipoen!

Kénging poenapa kok ing Mexico lan ing tanah Tjina kambah ing haroe-hara kados makaten? Wangsoelanipoen: Awiting Mexico tjang Katholiek kirang merlokaken babagan poelitik. Tjang Katholiek 90% ning djiwa sadaja boten wonten sesoelhipoen wonten Kamer. Leres kempalan inggih katah, pakempalanipoen laré-laré boten kirang, nanging prekawis poelitik boten patos dipoenpreloni. Leres Kangdjeng Bishop ingrika oegi sampoen ichtijar sanget, nanging sampoen katoetoeplan lawang tobat. Dadas ichtijariipoen boten angsal damel!

Sapoenika ing Tjina? Tanah Tjina poenika oegi kepéngin madjeng kados Djepang lan tanah sanès-sanèsipoen. Milanipoen laré-laré Tjina ladjeng sami kakintoenaken, soepados sinaoe wonten ing pamoe-langan loehoer ing Europa lan Amerika. Kotjap sareng mantoe, sampoen sami pinter lan santoe pamanggih, awit nalika wonten ing pamoe-langan angsal didikan ngèlmoe enggal wedalan Moscou sabangsapoen, ngantos kesoepe dateng Allah. Agaminipoen pijambak dipoensingkoer dipoensèlèki, kaangge kolot, sampoen boten soedi nganggé. Ingkang dipoensenengi ngèlmoe ingkang enggal. Pamanggihipoen badé kaetjakaken, karadinaken kanggé ngadjengaken tanah woetah rahipoen. . . . Nanging kedadosanipoen. . . . koela atoeri mirksani pijambak. Sapoenika djagad Katholiek Priboemi Indonesia kados-poen-di? Babagan poelitik saweg wonten P. P. K. D.; poenika kanggé Djawi. Soematra? Borneo? Menado? Mekasar? Ambon? Kei? Flores? Kados-poen-di? Tjang Katholiek priboemi pinten-pinten ewoe dèrèng wonten sesoelhipoen wonten ing Volksraad. Prekawis poenika kedah kaoedi sanget. Ladjeng prekawis

student-student? Moehammad Hatta c.s. para maos sampoen mireng sadaja. Dadas jèn makaten tanah Indonesia jèn kirang-kirang begdja badé kados tanah Mexico oetawi Tjina salah saanggag.

Basa Latijn. Basa Latijn boten badé kaanggep basa ingkang pedjah, nanging kanggé officiele taal toemrap Vatican. Mussolini tampi bintang Groot kruis van de Orde van het Heilig Graf.

Kados sampoen saentawis radi tebih anggèn koela milu, mangga sapoenika wangsoel dateng Indonesia, ngiras ngaso. Nanging sadèrèngipoen ngaso, mirengaken pangroendelipoen bangsa Tjina ing Betawi. Kénging poenapa ta? Ing satoenggiling grija sakit (Ziekeninrichting) wonten Tjinanipoen sakitanget inggih poenika Bah Tjam Ho Seng kalijan Tjeng A Tjong. Noedjoe satoenggiling dinten Tjeng A Tjong tilar donja. Ingkang makaten poenika ingkang djagi ladjeng ngabari ing sapreloenipoen. Kotjap ingkang wonten grija anakipoen djalar Tjam Ho Seng tampi wartos lantaran wijikmeester ingkang soeraosipoen jèn bapakipoen tilar donja, kala semanten djam 12 daloe. Sanalika oegi ladjeng pados peti kakintoenaken dateng grija sakit, sarta ladjeng ngabari dateng sanak sadèrèkipoen, lan rembagan badé pangoeboeripoen sarta tjetjewis oeba-rampéning sembahjangan dalah wiloedjenganipoen. Tjekakipoen sedija kados jèn Tjina kasripahan poenika. Wasana sareng doemoegi titi mangsaning pangoeboeripoen konangan jèn ingkang pedjah poenika sanès bapakipoen, nanging Tjeng A Tjong kaseboet.

Para maos saged nginten-inten sapinten nepsoening Tjina ingkang kapoesan sarta sapinten riboet lan soesahipoen pamili Tjeng A Tjong. Sinten ingkang lepat poenika? Protès?

Ki dalang.  
Sakoe kaloejar djana.  
Film Indonesia.

### Tweede Bedriif.

Manoet Pers. Overzicht 9 Maart ktj. 292 ki Tjantrik Willis roemaos mongkog, ngèneti ébah-ébah nasionalisme ing Noeswantara, kadosdéné ingkang tansah kapropagandakaken ing P. N. I., ingkang pitados ing kekijatan pribadi. Koela roedjoeke sanget dateng actie kados makaten, koela alembana sanget; oeger boten namoeng doemoenoeng ing . . . tok kémawon; nanging kedah tjantjoed saèstoe. Kekijatan pribadi!! Inggih, nanging sampoen namoeng kekijatan moelietik tok kémawon; mbok mangga kakijatan mitoloengi bangsa kita ingkang nandang sangsara oepami: para tjang woeta, laré lola, loempoe; l.s.p. \*) Bab poenika sampoen wiwit dipoentandangi. Mangga koela atoeri enggal nandang bab wontenipoen „bandjirfonds” saja kanggé Sala, ingkang saben taoen temtoe wonten kasangsaran margi bandjir, apesipoen sataoen sapisan. Ing Solo klebet madjeng bab prakawis „nationale beweging” katah ingkang ngaken „nationalist”; nanging. . . Tjebi ta kagaliha; la wong bangsanipoen keleben, ngoengsi ing panggénan sanès, katah ingkang sami tilem ing èmpèring grija patjinan, katisen, tedanipoen saketjepengipoen, katah karisakan, kok dilampoe ngétja-étja, pit-pitan, pantalonan, matjak keras, ningali lampahing toja; malah wonten ingkang ngétjé, noempak baita, mandolinan, krontjongan, glènggang-glènggèng; é, é, kaja kebon-radja dong malem. Nationaliteits-gevoel kanggé Solo pantjèn madjeng, ning arep nggo ngétjé bangsa lija, dienggo ngétjé golongan lija sing dianggep nggolong bangsa lija. Mangga sadèrèk ingkang ngaken loyale nationalisten, koela atoeri ngetingakaken Nationale-daden pandjenengan; ning

\*) „Kekijatan pribadi” poenika jèn boten sembada saèstoe, malah ngisin-isini. RED. SW. T.

tjara nationa . . . èstoe, sampoen ngantos Nationalis-boenglon. Lo, kok tekan boenglon; kados-poen-di poenika. Gegajoeitan kalijan poenika, kapeksa ngeloes dada, maos ing pers-overzicht oegi „Oetoesan Sumatra” semoe njoengi tw. Stokvis ing Nederland, bestuur S. D. A. P. Oetoesan Sumatra poenika s. k. ingkang haloan „nationalistisch”. Mangka Nationalist lan Socialist poenika kedah songkolan; ngalèr ngidoel. Socialist komplot Communist lan ist ist mblasar sanèsipoen. Ning emboeh ding „Koloniale Nationalisme”. É, warna-warna!! Modèl abad 20! Malah Congrès P. I. ing Nederland, ingkang katoentoen sad. Moh. Hatta; déné warganipoen para Studenten, ingkang tjalon dados „Indonesische Volksleiders” inggih sadjati ting lan Socialist . . . ? Malah wonten wakil Communist saking Duitschland; wakil anti-imperialisme. Wadoeh, kampioen!! Malah, ingkang njolok mripat sanget, pangkatipoen sad. Hadji A. Salim dateng Geneve, dateng Volkenbond kémawon kok ndadak saking dajanipoen S. D. A. P., pangondang saking N. V. V. (Nederlandsch Verbond van Vakvereenigingen). Ragadé olèh ka kana pa ja? Mengko gèk ragadé barang! Wah, saja memelas. \*\*) Poendi doenoengipoen: „Vertrouwen op eigen kracht?” Wakil saking Hindia ngriki oetoesan saking Regeering i. p. R. A. A. Djajadiningrat. Sad. Dj. ing O. Sumatra moering-moering, roemaos boten marem, mastani boten wonten goenanipoen th. Hindia gadah wewakil wonten ing „Geneve, ing Volkenbond.” É, é, wong ki pantjèn warna-warna banget; jèn ora diwènèhi ndjaloe, jèn diwènèhi. . . . noeli emoh, tanpa goena, koerang sampoen, koerang . . . koerang . . . koerang. Bèsoek kapan maremé? Apa kelakon mbèsoek jèn diwènèhi kamardikan; bandjoer: „é, é, boten mawon, angèl wong nata pradja nikoe, mangka moengsoeh ndjaba empoen pating tjangoek. Noewoen, boten mawon.” É, é, mblaèni jèn mangkono; nggoedjengaken èstoe. Semanten roemijin, embèn-embèn kaladjengaken. Bb. Hercules.

### Poenika lo.

1. „Bersatoe oentoek menentang lawannya ialah kaum keristen,” makaten wosing pangadjak dateng para kadang Moeslimin, wonten ing parepatan: Moehammadijah oemoem ing Djember, nalika 15/16 April 1929. Ééééé . . . toblas-toblas! dados anggènipoen: bersatoe poenika kanggé makaten? Toedjoe no. 1 boten kanggé kawiloedjenganing tjang? mangké gèk anggènipoen jasa poenapa-poenapa poenika toedjoenipoen inggih makaten. . . .

Ééééé . . . taksih nganggep mengsah kémawon? Poenapa taksih dèrèng pitados dateng: „djasanipoen” kristen dateng tjang Djawi. Poenapa: Islam boten mangertos bilih Sang Kristoes poenika oetoesaning Pangéran? dados agami kristen saking Pangéran?

Mangga: koranipoen dipoenbijaki? Kalijan malih. . . lah tjang agami teka mengsahan, lo, kepanggih pinten prakawis? saking poendi? agami poenika rak sami déné antepanipoen pijambak-pijambak ta?

Boten kémawon, kok! Boten mengsahan—, wontenipoen sami gesang sareng, nganggé antepanipoen pijambak-pijambak, déné toemrap pentjari-poen, wontenipoen ladjeng kados déné tjang mandé, badé dipoenta-wèk-tawèkaken poenika, manawi barangipoen awon inggih boten padjeng, sawangsoelipoen. . . . Poenapa koela adrijih mengsahan? boten, nanging soetik, awit mengsahan poenika manawi boten maton, tiwas nebihaken sadèrèk, toer nandakaken: tjèkèkipoen pamboedi.

### 2. Persatoean Coöperatie „Indo-

\*) Manoet verslag vergadering P. S. I. Betawi, kèsahipoen H. A. Salim, P. S. I. angragadi ± f 7500 kasanggè ing tjabang-tjabang. RED. SW. T.

## OBAR-ABIR!!

1. Sw. T. No. 14. (Ki Demang 40-an).

Mas Demang sadjaké mampang-mampang dateng sadèrèk, ingkang kados sad. Pak - Soe. Koela inggih klilan poenapa mampang-mampang, Mas Bei? . . . Nanging réhné koela nanggapi sanget dateng wasita-tama ndemangan, mila bab Pak-Soe koela tjekak samanten kémawon, sanadjan koela ngertos saterangipoen prijantoe poenika. — Ki Demang sadjaké kok radi remen paben! Dadi ora ndèwèki ta ngaten, awak ndètèng! Tandanipoen: sareng koela boten mangsoeli, ladjeng gobrag-gabroeg pijambak! Réhné saweg anoe wangsoelan koela sampoen tjekap, lan oepami wontena kirangipoen Mas Demang sampoen kersa ndjangkepi, mila koela namoeng kantoe kèndel.

2. Sw. T. No. 14. (Sad. Soe-Tedja).

Tah! tah! tah! lé mBaladéwa ki ta nèèh, prijajiné kwi! Moeng kémawon, nèk doeka poenika mbok inggih dipoenwastani kémawon, sinten ingkang dipoenkersakaken! Gèk ndjoer sadaja! Sadèrèk. Kantja, Swara Tama, kadang Katholiek! Menawi ingkang kaintjir koela, poen ngendikani kémawon: „Pram, temboeng-moe sok njerikaké!” Koela ladjeng matoer: „Indjuih, mbéndjing malih boten?” Nanging menawi dipoenawiti, koela boten saged tanggel, bilih tansah badé saged kemoetan dawoehipoen. Kersanipoen sad. Soed, koela rak boten ndikakaken nglélalé prijantoe ingkang koela djak rembagan, ta, noen?

Koela dipoenkroeboet??? . Ning poenika leres sanget! Koela poenika namoeng kodok saminipoen, mangka tjang poenika radi katah ingkang karem soewiké!! Prakawis anggènipoen koela kanggé patjitan . . . . lha mbok kadjengipoen, ta prijantoe! Menawi prijantoe ingkang njatria, rak inggih kados ngendika pendjenengan, tegesipoen: wonten ing piremangan ingkang kaperloe njata-botenipoen ingkang koela atoeraken, maton botenipoen atoer koela. Jèn lepat, koela matoer noewoen dipoenparingi soemerep leresipoen; déné menawi atoer koela leres, mangka koela meksa kagem, patjitan, — lha kok sadjak a la Papoea! — koela namoeng badé gantos nama kémawon, Tewèl poenapa Gendjé, botenipoen inggih Ketjoeboeng.

3. „De Tijd, 26 Mrt, '29,” de bl.

Kagem waosan ndara-ndara Njonjah Kath. ngriki

5-5-7-Apr, ing Amersfoort wonten parepatan ageng, parepatan wanita Kath. Bakoening rembag: OEDOENE WANITA ing actie Kath. PROGRAM:

5 Apr. djam 11 1/2 pamboeka ing Kapel, mawi: Rawoeha Hjang Soetji.

djam 12, majoor G. Huijs medar sabda bab: Apa ta actie Kath. koewi?

djam 2 1/2 Pangarsa, Mej. T. Post medar sabda bab: Toedjoe, sarana lan toemindaking pakempalan wanita Kath.

djam 8 (sonten) wonten wanita ingkang ngrembag: pa-noentoening para propagandist, lan padamelanipoen club-club propaganda.

6 Apr. djam 6. Pendjenenganipoen Rector v.d. Hengel: bab pakarjan oetami lan actie Kath.

djam 11 1/2 Mevr. F. Steenberghe-Engering: Toedjoe, sarana, lan lampah-lampahipoen manoenggiling pakempalan Wanita kalijan pakempalan Wanita ngamantja negari. . . .

djam 2 1/2 Mej. Romme: Pakempalan-pakempalan Wanita neutraal.

djam 8. Pater Damasus: Kados-poen-di para propagandist kedah tindak lan tradjagipoen.

7 Apr. djam 9. Rector v.d. Hengel: Wadjibing sadaja ingkang nje-peng tetangelan.

djam 11 1/2 Mej. Post: Wadjibing warga-pangerèh, lela-

jananipoen kalijan Pangerèh lan propagandist.

djam 2 1/2 Rector v.d. Hengel: Gesang kebatosanipoen para Wanita ingkang sami toemoet nandangi pakarjan sosial (oemoem).

Bab nama-nama lan djam boten sah dados rembag; ingkang koela atoeri migatosaken poenika toemin-daking rembag! Regeng, djangkep, intellectueel, Katholiek, actief! Para ndara Njonjah Dk. sampoen katingal badé nedak-soenging; mangga, ta, géné Juffr. Juffr. sampoen katah ingkang wedalan Mendoet, oetawi Ambarawa, Verpleegster inggih sampoen katah! mbok tjobi, lèsing-lèsingan!

4. „Het Nieuws” martosaken, bilih ing Goemermèn Djawi-Kilèn wonten voorstel, kawontenana Wedana ambijantoe Gouverneur, tinanggenah ngoelat-oelataken pakempalan-pakempalan Nationalis. Pers ngriki wonten ingkang soemamboeng boten njodongi, kamanah poelitie sampoen tjekap, wontenipoen Wadana kados kasboet, ngindakaken ragad negari, poeapa malih ngalang-alangi adjeng-ing tjang ngriki. — Pamanggih koela pijambak: mila wonten oesole kados makaten, semoenipoen inggih margi poelitie dèrèng njekapi. Prakawis paos: blandja Wedana satoenggag, poenapa ndadak ngindakaken paosipoen tjang sa-Djawi-kilèn? — Bab anggènipoen ngalang-alangi: oepami pengandjoer-pengandjoer langkah ing wet, ngantos ka-Digoelaken oetawi ka-preventief, poenika adjeng-ing tjang ngriki badé rekaos.

Prakawis sadjinis poenika i.p. tradjagipoen ingkang Boepati ing Pekalongan; margi anggènipoen naliti prijantoe Goeroe ingkang magepokanipoen lan P. N. I., poenapa déné anggènipoen dawoeh motjot djoeroe serat Afdeelingssbank, djalaran lestantoen lid P. N. I., sanadjan sampoen dipoen „lo-eling”, pendjenenganipoen radi kamanah kirang sekétja déning sadèrèk Djawi pijambak, malah ngesing panjakra-bawa: pendjenenganipoen tjidra dateng sadèrèkipoen pijambak, ngalang-alangi kemadjenanipoen tjang ngriki. Prakawis poenika nggèn koela ndjodok-ndjodokaken makaten: Sad. Djawi ngéngingaken poenapa boten tjang Djawi dados Regent? Menawi ngéngingaken, kita rak inggih kedah ngéngingaken Regent nglampahi poenapa ingkang dados wadjibipoen. Tintaning rembag: kanton mas-paosaken: tradjang kados ingkang kaseboet poenika medal saking wewenangipoen Regent poenapa boten. Jèn boten, inggih sampoen; menawi medal kita namoeng kanton . . . protest! Émoet, ta, sadèrèk! Wadjib, inggih wadjib!!

6. Ha rak mangkelaken poenika! Ingkang mangkel sanès kita, tjang Kath., nanging sadèrèk ingkang sampoen kelangkoeng mangkeli dateng Partij Kath. ing Negari Landi, margi anggènipoen kados-kados malangi wontenipoen Inlandsche Meerderheid. Djeboel? Sareng kasetèm ingkang tegen namoeng setoenggag, tw. H. M. J. Blomjous! Mangka lid Eerste-Kamer wonten pinten? Malah-malah Dr. Steger (R.K.) kados ingkang katjeta ing tilgram saking Den Haag 19 Apr., ngendika: bilih sampoen wadjibing pradja ingkang gadah koloni ndjagi, soepados tanah kolonipoen saged djadjar lan djdjèr kalijan pradja-pradja, poenapa déné saged nindakaken wadjibing negari. Lan „Wewenanging-awèh-pengajoman (Voogdij-rechten)”, ikoe ana watesan, lan jèn woek katon „disawasane” si koloni, ora kena kamardikan ora di-enèhaké. Nanging. . . tjang ingkang radi kirang tjotjog lan tradjagipoen prijantoe Kath. poenika, boten sah ngagem pangandika waoe kanggé dedamel; djalaran poesering rembag wonten „diwasa” ngrikoe. Lha sampoen poenapa dèrèng! Prakawis poenika kénging kapaben ngantos . . . berem-biroe. Pramila.

## PANOENTOENING LARÉ.

Sambetipoen Sw. Tm. no. 14. pitados dateng kekijatanipoen, boten mangoe-mangoe ing manah, boten soemelang dateng wasananipoen, linampahan kanti satiti, tartamtote badé saged kadoemoegèn poenapa ingkang sinedya.

Manawi ginagas-gagas, dipoen-raosaken saèstoe, padamelan merdi laré, moelang moeroek, nggoela-wentah, poenika satoenggiling padamelan ingkang moelja, makaten poenika manawi linampahan kanti samestiniipoen. Kawontenan ing do-nja poenika lestantenipoen sapé-rangan ageng goemantoeng wonten ing goeroe sekolahan andap doemoegi para propèssor-propèssoring sakolahan ingkang loehoer-loehoer. Menawi ing salebeting satoes taoen sadaja goeroe dipoenawisi moelang, sekolahan katoetoeplan sadaja, donja

badé malih wangsoel kados djaman kina, kala dèrèng katah pamanggih ingkang damel gawok. Sadaja goeroe sekolahan andap doemoegi sekolahan loehoer poenika amangoen awak-awak ingkang nggandèng djaman wingi-wingi kalijan ingkang badé dateng. Kasagedan saha kalangkoenganipoen para ingkang sampoen mantoeke dateng djaman kalanggangan oetawi teksih gesang, winoelangaken moerih sampoen ngantos itjal, dateng para ingkang tjalon nggentosi dados poerdjana, angrembag radja-niti, nindakaken péréntahan negari, dados goeroe, lan sapanoenggilinganipoen. Awit saking wontenipoen goeroe-goeroe, sadaja para moeda saged njoemerepi kalijan énggal sarta gampil, poenapa ingkang dipoen-oedi kanti rekaos lan dangoe ing tjang djaman roemijin. Lan malih kapinteran saja mindak-mindak sarta tebanipoen dados wi-

jar, sarèhning pandamelanipoen goeroe poenika mikantoekei sanget dateng oemoem, migoenani ageng toemrap tanah woetah-rah, mila oeger linampahan kalijan samestini-poen, tetep nama loehoer moelja.

Goeroe wadjib gadah pangadjeng-adjeng, manawi saged nggajoe ingkang saé. Kedah gadah kapitadosan, manawi laré poenika inggih saged nggajoe ingkang loehoer-loehoer. Ananging kapratjajan waoe sampoen ngantos malih dados pangoeja, oet-noeroeti laré. Awit laré poenika dasariipoen boten sampoen, katah tjadipoen, ananging kénging tinoentoen dateng kaoetamèn, nggajoe dateng kasampoernan sadjatos. Manawi kasampoernaning laré poenika kalebet toedjoewanipoen panggoela-wentah, boten badé itjal rekaos saha pamesoening sarita sarta pangoeeling boedi para sadèrèk goeroe ngantos badan kraos marloepa.

Goeroe ingkang ngretos paosing sarira lan ndjagi dateng wewenangipoen, temtoe inggih gadah kapitadosan dateng badanipoen pijambak. Kapitadosan ingkang makaten waoe noekoelaken kekendelan, sarta teteging tindak tandoe. Koewanenipoen goeroe angéwahi tindak nalisir, jèn linampahan kanti ngatos-atos temtoe badé manggih rahadjeng. Déne jèn wonten laré kadoek wani, lepatipoen inggih wonten ingkang noentoen, awit kаланipoen njobi sepisanan ngeting-alaken kekendelanipoen ingkang lepat, boten énggal-énggal dipoen-perangi, mila dangoe² saja ndadra. Bèda oepami saweg wiwit katingal kemadjan sekedik kémawon sampoen dipoentanggoelang, dipoenkapokaken, temtoe laré inggih ngroemaosi, sarta ing sadaja tindak-tandoe badé boten nilar pangatos-atos.

Bab agenging dajanipoen pitaja,

poenika boten soesah karembag pandjang, déné jèn kasètèkaken, wohipoen inggih ketingal katah. Padamelan nggoela-wentah poenika boten rampoeng linampahan sawoelan kalih woelan, ananging ngantos laré doemoegi ngmoeroe, saged madeg pijambak, sarta kedah kanti sabar, tlatos toewin pandjagi ingkang sa-èstoe. Amardi laré ndadosaken tjang, poenika laminipoen kirang langkoeng kalih dosa taoen. Selebeting samanten taoen waoe djoeroe mardi séwaja boten kénging kirang waspada, kedah titi ing pamriksanipoen. Manawi poenika dipoenliwakkaken, kirang ngatos-atos ing tindak, lepat tjaraning panoentoen, saged ndjalari tjabaring pandamelan. Boekoe-boekoe ingkang soeraosipoen boten saé, panggosokipoen kantja-kantja ingkang moersal, saged midjèni awon, oetawi ngrisak watak ingkang dipoendjagi kalijan rekaos. Sanadyan







Ondertrouwd :  
ENGELINE SOEHARMINAH  
en  
JUSTINUS DARGA.  
Huwelijksvoltrekking 25 Mei 1929  
des morgens in de R. K. kerk  
te Klaten.  
Ontvangst der gasten Zaterdag-  
avond 25 Mei 1929 bij de bruid te  
Tegalkoempoel Brambanan.  
Ngatoeri priksa kala tanggal  
5 April 1929, koela kekalih ka-  
paringan momongan istri wiloe-  
djeng. Koela namakaken:  
"CRISTINA HARTATI"  
Koela kekalih  
TÊDJOSOEKISMO.

PAKOLÈH TOER LOEWESAN  
SAË TOEWIN AWÈT  
INGGIH NAMOENG  
MERK GAZELLE  
INGKANG AWOEDJOED  
ALCYON  
DUNLOP } RIJWIELEN  
R. I. W.  
Nitjil kènging! - Kentjèng soekoer!  
GAZELLE HUIS - ROEMAH GIDANG  
MALIOBORO - DJOKJA - TELF. 508.

KALAU BELI OBAT - OBAT  
DJOKJA  
DJOKJA  
MALIOBORO  
MALIOBORO  
DJOKJA  
DJOKJA  
DJANGAN TERIMA BARANG JANG BARANGKALI KOERANG BAIK.

RETRAITE MENDOET  
Retraite kanggé para prijantoen poetri  
ing taoen poenika, wiwit tanggal 20 Mei  
doemoegi tanggal 24. Sinten ingkang badé  
ngresakaken ndèrèk retraite dipoenatoeri  
kintoen kabar sadèrèngipoen tanggal 15 Mei.  
Serat kedah kaatoeraken dateng Overste,  
Moeder Odrada, ing Mendoet.  
Déné kanggé wragading retraite manoet  
ingkang sampoen-sampoen inggihi poeni-  
ka f 3.-  
Zusters Franciscanessen  
Mendoet bij Magelang.

M. v. BIENE.  
Toekang herlodji  
dan Toekang emas.  
Adres jang  
moerah  
DJOKJA BANDOENG  
Telf. 252 Telf. 226  
boeat LONTJENG, HER-  
LODJI dan PERKAKAS  
EMAS.  
Pembatja  
SWARA TAMA,  
dengan bawa lembaran  
Swara Tama  
dapat POTONGAN.

Baroe terbit:  
PELADJARAN MEMEGANG BOEKOE DAGANG  
Karangan GOUVTS ACCOUNTANTDIENST  
dikeloearkan oléh:  
BALAI POESTAKA - WELTEVREDEN.  
Kitab ini baik sekali oentoek peladjaran bagi saudagar - sau-  
dagar ketjil. Tjontoh-tjontohnja lengkap dan terang; keterangan-  
keterangannja moedah dipahamkan, semoea diambil dari kedja-  
dian jang sebenar-benarnja.  
Harganja soedah tentoe moerah sebagaimana segala boekoe  
keloearan Balai Poestaka, jaitoe f 0,80.  
BATJALAH SOERAT BERKALA "SRI POESTAKA"  
(1x seboelan) DAN "PANDJI POESTAKA" (2x seminggoe).  
MINTALAH DAFTAR KITAB-KITAB!

TOKO H. SPIEGEL MALIOBORO 17  
DJOCJA.  
MAGAZIJN VAN  
LUXE- en HUISHOUDELIJKE  
ARTIKELLEN  
KINDERWAGENS - SPORTKARREN  
KINDERSPEELGOED  
THEESERVIEZEN, 16 deelg . . . . . f 5,75  
GASOLINE - LAMPEN . . . . . f 12,50

HEEL DE ARCHIPEL LEEST DE KOERIER  
EENIG R. K. DAGBLAD IN NED.-INDIË.

WIDADANING  
PRIESTERFONDS  
nedahaken bilih kita mangertos dateng  
wadjib lan sesanggèn kita pijambak.

DJAMNJA HARI ACHAD DI SEMENTARA TEMPAT ADA KOERBAN MISSA.					
Ambarawa 6.30 - 8.30.	Lamah 5.30 - 6 - 8.	Pekalongan 8).	7.30.	Soerabaja:	
Ambolna 7.30.	Lawang 5).	Pemalang 3).	7.30.	Kepandjèn	6 - 7 - 9.
Bagan Siapi-api 7.30.	Madioen 6 - 7.30.	Pemangkat	8.30.	Anita Boul.	6 - 7.30 - 9.
Bandoeng 6 - 7.30 - 9.	Magelang 7 - 9.	Poerwokerto	7.30.	Soerakarta	6 - 7 - 8.30.
Benkoelen 7.30 - 9.	Makassar 6 - 7.30.	Poerworedjo	7 - 8.30.	Tandjoeng Balai	7.30.
Blitar 7.30.	Malang 6 - 7.15 - 8.30.	Pontianak	7 - 8.30.	Tandjoeng Karang	8.
Buitenzorg 6 - 8.	Manado 6 - 7.30.	Probolinggo	7.30.	Tandjoeng Sakti	7.30.
Cheribon 7.30.	Medan 6.30 - 8 - 8.30 (tjina).	Salatiga	7.30.	Tara - Tara	7.30.
Djember 7.30.	Medari 6).	Sambas	6 - 8.30.	Tegal	7.30 - 9.30.
Djokja:	Meester Corn.	Sambong	8.	Tering	7.
Kampementstraat Eur. 7 - 9.	Mendoet 6 - 7.30.	Sawah Loento	7 - 8.30.	Tjilatjap 3).	7.30.
Kota Baroe 6 - 7.30.	Modjokerto 6 - 8.	Sedajoe	7.	Tjimahi	6 - 8.
Djombang 1).	Moentilan 5 - 6 - 8.	Sedjiram	5.45 - 8.30.	Tomohon	7 - 8 - 9.
Fort de Kock 7.30.	Muntok 8.	Samarang:		Wates 7).	7.
Gandjoeran 2).	Ngawi 7).	Gedangan	7 - 9.	Weltevreden:	
Gombong 3).	Padang 7 - 8.15 - 9 (tjina).	Bangkong	6.30 - 8.	Waterlooplein	5.45 - 7 - 9.
Keboemèn 4).	Padang Pandjang 7.30.	Tjandi	7.	Kramat	6 - 8 - 9 (mal.).
Kediri 7.30.	Pajakombo 7.30.	Randoesari	7.	Wonosobo 3).	7.30.
Klaten 7.30.	Palembang 7 - 9.	Singawang	6.30 - 9.	Woloan	8.30.
Koeta Radja 6.30 - 8.	Pasoeroean 1).	Soekaboemi	6 - 7.30.		

1) 1e. Achad. 3) 2e. Achad. 5) 1e., 2e., 4e. Achad. 7) 3e. Achad.  
2) 1e. + 3e. Achad. 4) 1e. Achad tiap 2 doea boelan. 6) 2e., 4e. Achad. 8) 4e. Achad.

Actie Zedelijkheids sterven poenika  
oegi loewes sanget manawi pandje-  
nengan tandani. RED.)  
Grija-grija séwan ing Madijoen.  
De Koerier, njarijosaken kawonten-  
aning grija séwan ing Madijoen.  
Grija-grija ing ngrikoe wonten  
warni kalih; gadahanipoen B.O.W.  
kalijan partikelir. Ingkang kalebet  
saé pijambak grija jasan B. O. W.  
nanging poenika grija kongsèn kang-  
gé prijantoen ingkang njamboet-da-  
mel wonten Osvia, Normalschool,  
sarta Pakoendjaran. Grija jasan B.  
O. W. ingkang kénging dipoenséwa  
sinten kémawon, sadaja dèrèng won-  
ten sadasa. Gemeente inggihi jasa  
grija ingkang ageng 2, alit 4.  
Grija séwan ingkang katah dados  
gadhanipoen partikelir. Sarta ratjak  
boten saé.  
VARIA.  
Saking FIRMA serat J. B. Wolters  
redactie  
tampi serat: Hoofdlijnen der Javaansche  
Literatuur - Geschiedenis \*) lan BENKOPT  
LATIJNSCH - NEDERLANDSCH  
WOORDENBOEK  
door  
Dr. F. Muller Jzn.  
en  
Dr. E. H. RENKEMA  
regi f 5.90.  
Saking FIRMA Boekoe J. B. Wolters Re-  
dactie oegi tampi „BABAD TANAH DIA-  
WI LAN TANAH - TANAH ING SAKI-  
WA - TENGENIPOEN”  
Goebahanipoen  
padoeka toewan L. VAN RIJCKELVOR-  
SEL, Dir. Norm. school Ambarawa, kabantoe  
Radèn D. S. HADIWIDJANA, Goeroe Kw.  
school Moentilan, tjap-tjapan ingkang katiga.  
Boekoe poenika sinerat kanggé moerid ing  
Normalschool toewin Goeroe ing pamoe-  
langan alit. Kandeling boekoe 173 katja,  
rinengga ing gambar-gambar tjatjahipoen 34.

kaart-kaart alit toemoet kaénging.  
Bakoening isi boten béda kalijan tjap-tjap-  
an ingkang kaping kalih; bédanipoen kalijan  
tjap-tjapan ingkang kakalih namoeng wonten  
ing soesoelanipoen. — Soesoelan kapérang  
dados tiga: Gagrag anjar, Tambahan I lan  
Tambahan II. Margi soesoelan „Gagrag anjar  
lan Tambahan I”, serat poenika ladjeng dados  
adjanani sanget; djalaran margi wontenipoen  
soesoelan poenika pamaos soemerep wonten-  
ipoen tanah Djawi samangké, mangka poe-  
nika prakawis wigatos kanggé mangertos-  
djamani Djawi ingkang sami kita alami poe-  
nika, Tambahan II. sanadjan ngrembag pra-  
kawis, ingkang sampoen boten toemoet kamo-  
ing titeling boekoe, nanging oegi katah pat  
edahipoen kanggé njekapi betahing pangertos.  
dateng gelaring djaman, ingkang ing basa  
Walandi kaseboet: Algemeen overzicht van  
het wereld-gebeuren. Mila boten ngoetjiwani  
kaasta ing Goeroe. (Regining serat: f 1.75) I  
BOEKOE ÉNGGAL.  
Bureau Onderwijsraad mentas ngedalaken  
boekoe „Publicatie VII” ngewrat rembag-  
ipoen Onderwijsraad dateng Depart. O.  
E. E. babagan andjoendjoeng deradjadipoen  
Inl. Onderwijs.  
Boekoe poenika saé, kertasipoen aloes,  
kandelipoen 107 katja. Isinipoen (prajogi sa-  
ngét dipoenoeningani para goeroe, lan pri-  
jantoen sanès), oep.: Poetoesan - poetoesan  
Inspecteursconferentie. Palaperanipoen Re-  
gentschapsraad Betawi bab Dessanderwijs;  
wawasan, poetoesan sarta oesoelipoen on-  
derwijsraad bab: sekolahan doesoen lan  
angka kalih; handenarbeid; leermiddelen;  
sambetipoen sekolahan doesoen kalijan angka  
kalih sarta vervolgschool; meisesoenderwijs;  
l. s. s. katah sanget toer migoenani.  
Ngéngeti isinipoen, boekoe poenika dipoen-  
sade à f 1.25 nama boten awis, jèn moendot  
dateng. Depôt v. Leermiddelen Weltevreden.  
Patanja.  
Manoet tataning ngagesang poe-  
nika wadajib manogensa oermat  
ingoermatan. Déné tanda pakoer-  
matan poenika wonten roepi<sup>2</sup>, ma-  
noet tataning satoenggal-toenggal-  
ing bangsa. Terkadang nadyan toeng-  
gil bangsa kémawon béda-béda.  
Oepaminipoen: kaboepatèn X kali-  
jan Y kémawon gesèh (béda).  
Sembah poenika pakoermatan tjap-

ra Djawi dateng para loehoer. Oé-  
djaripoen ingkang saged tjirjos, poe-  
nika tanda asrah bongkokan. Dados,  
badé dipoenpoenapak - poenapaka-  
ken borong soemarah.  
Awit katenger njembah poenika  
tangan kalih pisan dipoentangké-  
aken saèsta (kados déné) badé di-  
poenblenggoe?  
Wenèh panggenan tanda pakoer-  
matan katetepaken saking ingkang  
kwasu ing rikoe?  
Tjara Toerki (nadyan golongan  
Europa) andjoendjoeng tanganipoen  
dateng sirah. (Bokmanawi djalaran  
sami keton djinggring poenika, da-  
dos jèn kabikak kanggé koermat  
angèl?).  
La sapoenika kabaripoen boten  
kapareng keton poenapa pakoermat-  
an tjara ngrika sampoen atjara Euro-  
pa?  
Tjara Arab salaman. Nélakaken  
jèn sami resik sepi sarat dedamel.  
Tjara Europa, bikak topi oetawi  
toedoeng. Manoet dongèngipoen,  
kala djaman roemijim, para loehoer  
ing rika sami arikma doemoegi  
ing djoeloek (tjengel, gitok, ngk.).  
Soepados sampoen ngantos dipoen-  
samèni, para soedra? Kadawoehan  
sami goendoel. Soepados kapirsan  
poenapa sampoen teloes-teloes, sa-  
ben kepetoek oetawi kepanggih pri-  
jagoeng kedah bikak topi.  
Ketelah doemoegi samangké?  
Sapoenika wonten pakoermatan  
gagrag énggal, dridji 2 poenapa 3  
kairingaken? Toemèmpèl ing ba-  
toek, poenika mode ing poendi?  
Njengkok Toerki poenapa ketoprak  
toerkèn?  
Ing mangka djaman sapoenika aga-  
minipoen tjang ngriki boten sami.  
Jèn bangsa soedra asoeng pakoer-  
matan manginggil (pangkat alit da-

teng ageng) kénging dipoenwalesi  
poenapa boten? Oepami kepetoek  
ing salah satoenggiling panggenan.  
Rèhning sapoenika ingkang katah  
koeploekan oetawi blangkun, poe-  
napa boten prajogi bikak koeploek  
oef. blangkunipoen kémawon?  
Tijang manganggé oetawi nge-  
trapaken poenika jèn boten sreg lan  
manah raosipoen boten mantep.  
Djamanipoen tansah éwah-éwah  
dados kados-poendi tjara ingkang  
salaras lan djamaniipoen? Sawenèh-  
ing panggenan tijang sandalan ké-  
mawon kados déné sanga roenggi.  
Djalaranipoen emboeh, sabad dé-  
ning poenapa boten terang.  
Jèn rinaos lan ing sasawangan,  
oetawi ndoeloetlèramipoen, regining  
kaoem alitan poenika manoet mana  
soekanipoen, saèmper kados coers?  
Ing riki makaten, ngrika maka-  
ten. Dados kaoem alitan poenika  
asring katenta oetawi bingoeng awit  
boten wonten patokanipoen. Patok-  
anipoen namoeng doemoenoeng  
wonten ing sasenengipoen pribadi  
(pijambak-pijambak). Anggèné sa-  
ged mastani béda poenika margi  
dados tijang énggal oetawi saking  
kabar pabaratan.) Bok inggihi ngrika  
ngriki sami kémawon kados-poendi?  
Poenapa pantjen kaoem alitan pi-  
jambak ingkang boten saged nge-  
trapaken, kidoeng oetawi semang-se-  
mang? La djeng saking ketentanipoen  
dipoen-gembjah oejah. Sarem kéma-  
won leres sami asinipoen, nanging  
jèn dipoenkenjamaken meksa won-  
ten bédanipoen.  
P. C. ing awang-oewoeng.  
Atoer panoewoen lan pitakénan.  
Ingkang sareng poenika koela ma-  
toer sembah noewoen sanget dateng  
sadèrèk Mas Pramila, déné sampoen

karsa maringi wangsoelan lan ne-  
rang-nerangaken ingkang dados pi-  
takèn koela. Samanten oegi koela  
oegi matoer sembah noewoen dateng  
pandjenenganipoen Rama Redacteur  
déné sampoen karsa paring papan.  
Kedjawi poenika keperepang njoe-  
woen priksa malih dateng Rama  
Redacteur oetawi sadèrèk sinten ké-  
mawon ingkang saged lan soedi  
paring wangsoelan. Makaten:  
Kasebat ing De Koerier no. 1924  
April 1929 ing lembaran sapisan pa-  
kabaran: Journalistieke Kracht Pat-  
ters, bilih Correspondent Java-bode  
kadenda f 300 oetawi oekoem 14  
dinten, djalaran martosaken, jèn ti-  
las kepala sekolah ing Tjitjalengka  
toewan M. njalingkoehaken arta  
(f 2000). Kadadosanipoen toewan  
M. oegi kaoekoem 9 woelan.  
1e. Pitakèn koela: Poenapa oegi  
sampoen adil tijang martosaken nja-  
ta, teka dipoendelik?  
2e. Ingkang nanggèl karangan  
wonten ing koran (tegesipoen jèn  
wonten poenapa - poenapanipoen)  
poenika poen panjerat poenapa re-  
dacteuripoen?  
3e. Mèh sami no. 2. Saoepami  
koela njerat wonten ing Sw. T.,  
ladjeng wonten oekaraniipoen ing-  
kang moeroegaken kénging persde-  
lict, poenika ingkang kapradata koela  
poenapa Rama Redacteur? — Ing-  
kang kasawoewoen sampoen ngantos.  
Makaten poenika pangraos koela  
badé migoenani sanget dateng para  
sadèrèk panjerat Sw. Tama!  
Wasana sadèrèng sasampoenipoen  
koela matoer sembah noewoen malih.  
Moeda poenggoeng.  
Bratasoehardja.

\*) Koela atoeri maos karangan ing ngadjeng, ingkang  
akepala „Tjengkoronganing babad sastra Djawi”. Red.